

Franciscus

*Długowski Stanisław Frankowicz Faustum
omen.*

PANEG. et VITAE
Polon. Fol.
№ 255

Manuscript

Biblioteka Jagiellońska



stdr0002772

Pe

H

I

Com
C

M. ST

FAVSTVM OMEN,

EX

Geminis Mauortij cordis alitibus,
Sacro Connubialis vinculi fœdere, æternum sociatis,

DEDUCTVM,

ET

ad Festum Nuptiale,
Illustrissimorum Neosponsorum,

Illustrissimi & Excellentissimi Comitibus,

D. FRANCISCI
ESTERHAZI

De Galantha,

Perpetui de Frak. S. C. Regiæq; Maiest. Præsidij Pap. Supr. Capitanei,

& Illustrissimæ ac Lectissimæ Virginis.

14213 III

HELENÆ
ILLESHAZYÆ,

Illustrissimi & Excellentissimi Comitibus.

D. GEORGII ILLESHAZY.

De Illeshaza,

HÆREDIS In TRECHIN,

Comitatus eiusdem perpetui, & Liptouien: Supremi ac Hæreditarij
Comitis, Equitis Aurati, S. Cæs: ac Regiæ Maiest. Consiliarij,
& Camerarij, nec non Principum Hungariæ Dapiferorum
Regalium Magistri, &c. &c. &c.

vnicæ, ac Dulcissimæ

FILIAE,

Stylus M. Stanislai Brezianowski sub alieno nomine ut vides.

*Inter Festos Congratulantium applausus, votorumq; solennia,
Gratulationis & obseruantia ergo,*

A

M. STANISLAO FRANKOWICZ DŁUGOWSKI, Phil. Doctore,
Parocho Lancko: & Izdebnicen: Officiosissimo affectu.

PRESENTATVM.

Anno Restauratæ salutis 1661 Idibus Februarij.

7. XIII. 21. K.

INSTEMMA

Illustrissimi Neosponsi.



Threijciis metuende feris Gryphs Martie, strictum,
 Qui caeso gladium, victor ab hoste geris;
 Bella quid, & seuum spiras mucrone graduum,
 Sint licet & penna, sint licet arma Tibi;
 Exornabit amor stricto Te fortior ense
 Frænabit pennas, ocyor ipse Tuas.
 Quid facies mucrone tuo spoliatus, & alis?
 Totus eris SPONSÆ pradaq; corque Tux.

I N S T E M M A

Illustrissimæ Neosponsæ.



*Bistonius fueritne chalybs, Bessig ferocis,
Hac acie inuictam qui laceravit auem?
Quærebam nuper; sed in imo viscere, vitam,
Et gladium stupui posse habitare trucem:
Eripiunt vitale decus Mauortia tela
Solus ab inflicto vulnere viuit amor.
Ergo aquilam quæ tela gerens in pectore viuit;
Non Mors sed dulcis viuere fecit amor.*

*rytown J.
A. 1700.*




NOli discedere à muliere sensata & bona, quā
fortitus es in timore Domini: gratia enim
verecundiæ illius super aurum. *Eccl. 7.*

Mulieris bonæ beatus Vir: nam numerus
ipsius conduplicabitur. Mulier fortis oblectat
Virum suum & annos vitæ illius in pace imple-
bit. Pars bona mulier bona, in parte bona timen-
tium Deum, dabitur Viro pro factis suis. *Ibi-
dem Cap. 9.*

Ædificatio Ciuitatis confirmabit nomen &
super hanc mulier immaculata computabitur.
Ibidem 40.

Plato ex Nuptijs, hanc Consolationem oriri
dicebat, quòd naturæ perpetuitas inde promo-
ueatur, & quòd filios filiorum relinquendo, sem-
per Deo ministros pro nobis relinquimus: vi-
tam ceu Lampadem alijs post alios tradentes.
Cic: lib. 6. de Leg.





FAVSTI OMNIS,

Ex Gentilitio Illustrissimi NEOSPONSI Symbolo

Deductum,

AVGVRIVM PRIMVM.

V Atû, an Haruspici Collegio accenseat me hîc aliquis, non contendo. Amica sacris nuptialibus Musarum, sacra sunt, nec Haruspicum inimica.

Quandoquidem,

Nemo minus quàm sollicitus amor omnia expectat, nemo magis omnia curat.

Quid ita?

Intra nubem nimirum nuptiarum omen est: a luce sereniori Bosphorus, in nubem Hesperus vergit.

Quotusquisque est

Qui Ganymeis aquilâ vestus, secreta Cœlorum nonus pincerna intelligat, edisseratque.

Aureum Pastoris Idei malum,

erroris in iudicio malum non fuisset; si ut à vaticinantibus leua dextrâq; omnia, aut à Consulentibus non pulchriori, sed meliori aurea deberi mala didicisset.

Sed Iliacas domos vssit Achaicus ignis.

quia inconsultum indicem furor prius; sed non fatidicus; proci non Sponsi flamma exussit.

A tædis nuptialibus ad belli tædia ventum.

Morosa cadentis Ilij tædia, subitas improuisi Coniugis castigauêre tædas.

O aliter! quot quot diurnæ felicitati per connubia nubere vultis!

Vos ego Oedipos omnes aut Appollines vellem;

quibus ut à Sphinge nihil periculi, ita nihil non è tripode boni, ante Hymenæos & iura thalami, immineret.

Sed quis tam diuinus vates est?

Cui diuinum affectus hac in re humanus, enthusiasmum non suffocet?

Infida ibi omnia vbi ij, quos vera vaticinari oportuit ipsi sibi somnia fingunt.

Ad Tua tamen Gentilitia omnia.

Illustrissime Comes

FRANCISCE ESTERHAZI

Diuinator fatidica Musa dum respicit oculus: vates hic auspicesq; diuinos fore non desperat.

An verò frustra

Aëris terræq; potens, ferarum volucre genus decoros bellator Gryphus, Gentilitij Stemmatis

Tui, occupauit ambitus?

Angues ego Hecubæ filijs, fatidici non tantum inspirasse Spiritus crediderim; quantum omnibus Tuis, fera hæc inter alites, ales inter feras auspicata felicitatis attulit.

A

Nimirum

Nimirum

Nec tota euolans, nec consistens tota,

ESTERHAZIANÆ gloriæ decus seu portare, seu custodire parata

Si vatem ut cœpi agere pergam

*ex femiaquila, femiâ; Leone, Martes ESTERHAZIOS & natos olim, & nascituros
securius ego, quam Olympiam ex Leonis insomnio, Leonem Orbi Macedonicâ pariturâ semper dixerim.*

Quis vatem tanta hîc sperare prohibeat?

Vbi generosissimum ex utroq; inter feras principatu animal, stringendi quoque acinacis

Humanas artes edoctum, è triplice Martis genio triariorum robur & officium adimplet.

Errare quidem Scauolæ dextera, ambustaq; flammâ contemnere potuit,

non errauit vnquam,

dum Otthomannicum Porsenam petiit, confecitq; destinatus,

Ensiferæ huius volucris ictus.

Hinc quamuis,

armigeram Iouis, iam olim fulmina ministrare desisse nouimus;

pugnacissimum ESTERHAZIANÆ Domus animal,

Contra Titanas Odrisios, ferrum, quod ne Sicilius quidem Pyragmon elaborasset,

coussq; ministrabit; quousque Bizantium Europæa manus Enceladum,

Ethnæ suæ, quam toties euomuit, non affigat.

Discet olim Bosphoranus helluo,

ex unguibus non Leonem tantum; sed ESTERHAZYVM quoq; in Grypho Martem cognosci.

Sed quis inter vincula humanitatis, iuraq; thalami,

Martij omnibus & alitibus Locus?

Parcite Deæ Gratiæ! vosque dulces Thalassij omnes parcite.

Vatibus ad tripodem, Haruspibusque inter exta sua ius proprium est.

Excludi ab auspicio coniugalis felicitatis non debuit, qui ESTERHAZYANÆ gloriæ auspiciu dedit.

Bellator Gryphus.

Quisque domi suæ rex est.

Heroicus quoque Comitum ESTERHAZYORVM sanguis, nunquam ita pacis togam induit,

Ut paludamentum, sagumue exueret.

Classicum illis tam dulce est; quam Ariones alij, Orphei.

Mulcere animos non inflammare nati.

Myrteus illis bonus minimus; Lauri, palmæq; maximum decus; vel ideo:

quod ignauos nec deceat, nec ambiat.

Somnum, quem coronato Macedoni, peluis icta excussit.

Martius illis Spiritus nunquam in gaudia, pl. namq; armorum securitatem solutus,

Seu abruptit, seu subduxit.

Hoc demum est,

Ad propugnaculum Christianitatis excubitores positos, vel Leones fortissimos, vigilantesque apertis semper palpebris dormire.

Eum

Eum Te quondam experta est; quem nunc suspirat, & ardet.

Heroum Mater Hungaria,

Illustrissime olim & Excellentissime Comes,

NICOLAE ESTERHAZY,

Regni Hungariæ Palatine:

Vir supra omnes titulos.

Ipsa magnitudine Tua maior, ipso fortunæ fastigio celsior,

Ex utroque Caesar, ubique Magnus;

Nullibi tamen maior, quàm ubi desiderium posteritatis prouocas hucusque & accendis;
Spirare mihi adhuc

Lunaq; infestus Otthomannica, vindex; Tutorq; Morauia, hostium globo imminere videris!

Heroum flos & exemplar.

Cannas fatales, quas alijs inferre didicerat, suas quoq; Te persequente habere
didicit, non monoculus quidem ut ille Afer; sed centoculus Asiæ, Regnorumq; prædo.

Hem famelicæ turmæ quò ruitis?

Pingue vobis Morauia: spoliū in votis est? nihil equidem voracissimis sapidius;
sed venistis huc, ubi mures ferrum rodunt.

Sunt nimirum nobis Gryphes ESTERHAZYANI; quibus non ungues tantum; sed ferrum quoq; in expedito est.

Macte animo noue Pannonum Scipio,

NICOLAE ESTERHAZY,

*Infecta hæc Turcarum agmina, quæ Tibi furor Bethlem Gaborianus prosliganda obijcit,
immortalitatis Tuæ trophæa sunt.*

Ad magna nomina, non aliter itum est; nisi per magnorum nominum rudera, occasusque.

Sentiat quoque Cydaris Turcica.

Præsto esse ESTERHAZYIS gladium, qui summa hæc papauerum capita non decutiat sed abscindat
Res mira.

Lunam Otthomannicam, non ab ymbra terræ; sed à Corusca stricti mucronis ESTERHAZY
acie ecclipsim passam, rubuisse.

Erubuit, salua res est; Tibi fortissimè Heroum ad gloriam;
pudendo Turcarum excidio ad ruborem: palloremne dicam?

utrumq; dixero, inter cruenta cladis dedecus, ad pudorem.

Pone hîc, æternam victrix Pannonia molem;

& incide

Gryphem ESTERHAZYVM non coronas tantum; sed Asiæ quoq; coronatos premere posse
Orientem quoq; dum rubet, tempestatis sue præsagum, non frustra cruentos in occasus defuisse.

Quanquam

Quid trophæorum proximas cœlo machinas molimur?

Quando augustiores longè, pietissimi aquè ac fortissimi Herois magnifica erexit

P I E T A S.

Martis quidè studia in belli cosissimo pectore magna; pietatis admiranda sunt.

Multi bello nobiles, dum inrigidas Bellona artes, toti feruntur;
à Dina Pietate sensim, eouq; declinarunt, vt pigeret tandem tæderetq; non impios esse.
Sacros quidam nodos acinace, sacrorum contemptores confidentius soluant.
Auream Æsculapio barbâ dum iocantur auferunt; quasi in Diuos etiâ armatis aliquid liceret;

Quibus nihil non in homines licet.

Alius bellicosissimi Herois de Religione sensus fuit.

Ægyptiorum Principes imitatus Pnoregis, & sacrorum Præsidis officio functus est.

Magnificentiam,

Quam stultè in septizonio thermis, balneis, amphitheatris captauère multi;

Ad superûm interris palatia, sapientior vertit;

Maior in decore Domûs Domini, per ditiones suas restituto,

Seraphicâq; in Kismarton familiæ Cænobio, & augusto Tyraviensis Soc. IESV Basilicæ sumptuosissimoq; opere;
quam si Rhodiorum Colosso, Pharum quoq; Canopeam, & Pyramides adiecisset

Quam hic piè Magnificus; tam in extirpanda heresi ad stuporem magnanimus:
ne solus Otthomannica procella scopulus fieret;

Orci quoque ad fidei Petram, terror esse, cladesque voluit.

Vno feruentissima Pietatis impulsu, cathedras pestilentie, & ministros Satanae,

EVERTENS,

Animarum spolia Seygi, erepta, è Britiæ, Frakno, Kismarton, Lonzer, & Lakompak
amplissimis dominiis, ab heresum vetusta tyrannide vindicatis,

Maiora, quam si Euphrathen Tygrimque victor superasset, traxit.

Hinc

Quam Deo fidem illibatam,

Augustissimam quoque DOMVS Austriacæ, inter Bethlehemi, Racocijq;

Immanes conatus infractam constantemque seruauit.

Maluitq; Monkacz & Regecz maligni iactura, ingens fidelitatis pretium adaugere.
lætus inuenisse quoque fortunam, Lydium sibi lapidem in quo

Vir ab aureo æuo probaretur.

Qui pace bollog, inclutus, quibus potissimum artibus excelluerit, animos posteritatis in lite reliquit.

Sed absoluit dubia posterorum iudicia,

Genuinus Martis, & Martij Parentis Filius secundo genitus

V L A D I S L A V S E S T E R H A Z Y,

Papensis pro tunc Capitaneus,

Docuitque cum tribus Patruelibus suis, Hectoribus, Decijsq; Pannonicis

T H O M A præsidij Lauensis supremo Capitaneo,

F R A N C I S C O Gyarmatiensis præsidij supremo quoque Capitaneo.

& G A S P A R E Libero Barone in Galantha,

plures in E S T E R H A Z Y A Domo, quàm in Colchide olim Heroas nasci.

saluete o ingentes animæ!

O victimæ in odorem suauitatis Deo, & Religioni alieno gladio,
amore vestro mactatæ.

*Quantus vera libertatis gustus, vobis fuerit, aliena misratio
captiuitatis ostendit.*

Nemo

Nemo vnquam libertatem alienam cariùs æstimauit, vitam nemo viliùs suam.

Prodigos vitæ dixissem;

nisi auarissimos aterna, quæsitæ per gladios vitæ, gloriæq; immortalitas, testaretur.

Desino nunc tandem mirari

quid Grypho vestro in mentem venerit? quòd vnques Martios delicatulis impleuerit rosis;
è tanti nimirum cruoris purpura, pullulasse eas non intellexeram.

An verò & illius votum est?

Vt quidquid calcauerit rosa fiat?

Sed maius est Coronas, quàm rosas vietricibus calcare plantis, quas in Campo Martio colligi insolitum

Spinaas ego hîc magis, tribulorq; nasci putallem; nisi quibus dulce & decorum est pro

Patria mori in Campo Veselinensi, rosetum pro spinis obtigisset.

Nemo vnquam delicatulorum per rosas suas molliùs ad sybaritarum epulas incescit

quàm vos per horridas mucronum acies, ad captiuorum soluenda vincula properastis.

O digni supra quorum tumulos æternus rosarum depluat imber!

Videsne Illustrissime N E O S P O N S E.

Inter auspicia felicitatis Tuæ, faustaue hymenei Tui omina, quomodo tandem ab armis ad rosas ventum est?

Rosa nimirum pacis symbolum bellicos sudores extergit coronatque

O quam libenter

Inter heroas Maiores Tuos consisterem totus!

Nisi ab armis ad rosas, & ad Te qui curæ meæ portio maxima es,
nuptiales me rosæ Tuæ traherent.

Ergo

Cùm in Maioribus Tuis tantus fueris; in Te quantus futurus sis Cumæâ vate opus non est.

Ad summa omnia natus,

Ipsâ expectatione inter expectationis auguria maior vota omnium præuenis, vincisque

Eo Te nimirum Parente recordaris ortum;

qui virtute fortunam parans supra fortunam positus quantacumq; superaddita maior habitus est.

Tu quoque cuicunque eminentissimæ fortunæ par

Publico de Te omnium iudicio maximæ destinaris; tantò pluribus votis
quantò plures in Te oculos, vnus maximæ gloriæ & meritorum Hæres, conuertisti

De indole Magni Parentis Tui tantum traxisti;

*quantum Achilles olim de Græcorum fortitudine vnus omnium maximè traxit.
in quo virtus bellica experta est, quantum vno in pectore collecta, valeret.*

Quanquam autem

Tot vndiq; virtutes Te ambiant circumstentq; quot ne pugnacissimos quidem,

E S T E R H A Z Y O S Tuos inter confortissimas hostium acies pugnantes,

infesta Thracum circumstetere agmina

Diua tamen Bellonæ maximum in Te ius est;

quæ Tibi ultorem magni sanguinis gladium in Grypho Tuo dum obijcit;

quid nisi Te ad Trophæorum, Martis hæreditarium decus inuitat.

Accipe omen Heroum in clyte sanguis, & effice

Vt Hectoras Epaminondatq; suos sentiat in Te Pannonia viuere;

quorum in Te collectam epitomen dum læta suspicit.

Vouet

Vt gemina hec, quæ in Te nunc connubiali federe gloria meritorumq; ferax coalescit

DOMVS

tam aeterna sit

quam quidquid in Te ab vtraq; Illustrissimorum Comitum stirpe transfunditur,
aeternum est.

FAVSTI OMINIS

è Nobilissimo Illustrissimæ Neosponsæ stemmate

DEDUCTVM

AVGVRIVM SECVNDVM.

Non omnes Aquila vatibus, augurijsque amicae sunt.

Rupem putauit glabram Æschyli caluitiem illa; quæ raptam testudinem,
ad amicum testudini allisit caput.

Inevitabili quidem fatorum decreto; inimico tamen vatibus casu.

Quis eam securus respicere post hæc audeat?

Cui ne innoxium quidem caput absque noxa subiectum est.

Quid si eam ferro transfixam Colleg ū Augurū vidisset? nonne contra relatā inter læua omina
pulvinaribus suis sopitos Diuos excussisset omnes?

Cor amoris sedes, & Vitæ principium est.

Quis alitem corde transfixo, si prima nubentibus appareat vitalem faustamq; indicet?

Apage tamen in auspicata auspiciorum omina?

Hælieton non esset, nisi inter fortunata vaticinantium oracula censeretur,
Ad solem nata probataq; Apollini vatum Principi Deoq; sacra non esse auspicataq; non potest.

Dos hæc aquilarum maxima,

quòd virtuti suæ, fontem Luminis solem, iudicem petant:

nempe generosissimus quisque umbris insensus, virtutis suæ fiduciam in aprico ponit.

Tuæ hoc Illustrissima Comitum ILLESHAZYORVM Domus

Vetustissimæ claritudinis decus & auspiciū est.

Fixis splendorem publicū intueri oculis, Tibi vni maximè omniū licuit semper;
Vssit multos nempe, exussitq; lux publica; quorum oculis fulgur istud hereditariū non fuerit.

Tibi cuiuscunque Lucis capax pupilla;

Nunquam nisi in bonorum meridie occupata, ex aduerso maximi Luminis intrepida stetit.

Primus qui Orientem infastigijs montium viderat olim solem,

Regium Orientis fastigium meruit,

Linceus alitis Tuæ oculus, dum supra celsissimos apices & titulos fertur, celsissimum

Quidquid in Huugariæ fastigio est; vidit & iustinuit.

Quodsi

Lucida hæc amplitudinis vestræ fastigia vatibus quoque sequi liceat; vel in Te solo

Illustrissime & Excellentissime Comes,

GEORGI ILLESHAZY,

Illustrissimæ Neosponsæ Parens amplissime,

Lux tanta oboritur.

Cui

Cui parem oculorum aciem, sola Aquila Tua afferre potest;
Quæ sola didicit, aut coronis Regum, aut Regijs heroum mentibus,
ceū principatûs sui inter volucres conscia, delectari.
Vetustam, sanguinis Tui originem, ipsūq; fontē lucis Tuæ non respicio;
qui ne extremos quidem radios, sine periculo imbellis sensus, intueri possum.

Vnius interdum Herois iubar tantum est;

Vt nitidissimas etiam Panegyristarum hebetet, confundatq; acies.

Quod enim sæculis omnibus in admirationem imitationemque proponitur.
vnus ingenij quantacunq; vis, frustra complecti, exhaustireq; desiderat.

Quid si tot illustrium virorum nomina encomiasten obsideant?

quot in Senatu Quiritium, Reges sibi, Maiestate Romanâ perculsus confessus est Cyneas.

Fatigatus profectò ad splendidissimas virtutes Tuas accederem,

si vel in FRANCOISCO Auo- vel in GASPARO Parente,

aut in cellisimi nominis STEPHANO Palatino Vngariæ Patruo Tuo,

Illustrissimis Comitibus ILLESHAZYIS,

Viris & Heroibus,

tantâ encomiorum luce circumfusus, quantam claritudo Generis, & summa dignitas

in Auge requirere solet,

attonito, succumbentique propior, Icarus non Dædalus hærerem.

*Immortalitas illos sua iam olim, immenso gloriæ sinu excepit, condiditque
vniuersorum in Te, ne omnia nobis inuidisse videretur, exempla relinquens.*

Tu quoque nobis,

quò plures in Te splendores deriuatos, maiori Luce repræsentas,

Vnus omnium instar sufficis.

si vatum fides vtcunque ambigua; Augusta certè oracula non fallunt.

Quàm honorificum de Te iudicium,

Augustissimi & inuictissimi IMPERATORIS FERDINANDI II. fuerit,

Congesta in Te honorum- & titulorum decora testantur.

Auream in Te mentem, in aureo ætatis flore effulsisse;

Equitis Aurati, & aureâ clauis insignis Camerarij Cæsarei loquitur honos.

Hoc enimvero est,

plusquam atauorum originem, ab aureo Saturni æuo deducere

Ab Augustissima nempe manu,

*qua aureum Hungaria pomum inuicta sustinet, Iuuenem inter aureos computari Viros,
dignum profectò arcanis Imperij, cui varia eruditionis & prudentiæ, per Orbem*

Europeum collecta arcana patuerunt.

sed vt virtutes nunquam solæ, ita & honores nunquam non catenati sunt,
dignum se eminentissimis fecit, qui vel vni ex æquo respondit.

*Cæsarea Regiaque Maiestatis. Itaque Consiliarij, Principumque Hungariæ Dapiferorum
Regalium Magistri, honores amplissimi*

Senatoriam Tibi quantumuis adiecerint curulem; plus tamen magnitudini Tuæ reliquit,

Qui Te vestigat & vltro

Ambit honos.

Pernicissimum enim Aquilæ Tuæ quis vnquam definiuit volatum?

Cui vt cæteris altiùs euolet, maxima vis, & libertas est.

Quantò nunc sublimiùs ibit?
Quando Illustrissima HELENA Filia Tua suauissima,
*prisco cum Grypho ESTERHAZIANO sanguinis renouans nexus, geminato
impetu utriusque stirpis gloriam cælo inferet.*

Hæc est spes de Te haud dubia
Nobilissimi sanguinis, & virtutum omnium dulce corculum,
Pudicitia flos, elegantiarum sedes, Gratiarum omnium compendium,

ILLVSTRISSIMA NEOSPONSA.

Fulgentissimus hic auri gemmarumq; splendor,
qui circa venustissimæ formæ Tuæ decus, crebro fulgore emicat,
Virtutum Tuarum coruscis ignibus tantò minor est, quantò Tu excellentiùs iudicasti semper,
proprio, non alieno fulgore niti.

Multa quidem sunt quæ Te
ex Illustrissimis TVRZONVM, ESTERHAZYORVM, FORGA-
CZORVM Familiis decora ambiunt, à tot Cardinalibus, Episcopis, Palatinis;
quos Tibi Paternus Maternusq; sanguis coniunxit profecta;
Vna tamen pudicissimæ mentis Tuæ innocentia, in Te tam pretiosa est;
quam Tu Illustrissimo NEOSPONSO Tuo, gazis omnibus pretiosior.
HELENA profectò sed Castissima,

Eà utriusq; pulchritudinis gloriâ nites; ut ternio Dearum absq; lite,
citraque Iudicem iam olim Tibi palmam concessisset.
Gentilitia nimirum Aquila Tua fatum absque gemmis non excludit.

Hinc Te quoque
Non Aëtiben aut Gagatben sed quæ in plures diuidenda erant, in Te dotes vniuersas colligens
ILLSEHAZYANÆ Domus vnionem fecit

Ergo Tu quoque
ESTERHAZYANÆ Stirpis nobilissime vnio,
Illustrissime NEOSPONSE,
Splendore generis, virtutum pondere, amoris pretio parem Tibi & carissimū,
Carus & ipse latusq; accipe, cordiq; Tuo insere vnionem.
Aderit votis vestris, augurijsque nostris.
Æterna Monas & Trias Deus vnionis amator & effector;
geminæq; Domus, vno amantium corde, & ore, prolata suspiria exaudiens,
ex vtriusque stirpis vnicâ spe, multos auitæ gloriæ hæredes,
gemmas nempe faciet ex vnionibus nasci.

Cum licentia Superiorum.

C R A C O V I Æ,

In Officina Viduæ & Hæredum Francisci Czesarij, S. R. M. & Illustr. ac
Reuerendiss. Episc. Crac. Typograph. Anno D. 1661.



temper,

GA-
latinis;

t;
iosior.

ite,

lit.

olligens

simū,

diens,

ur.

ICAL

str. ac

